

**SAMOA**

Faatulagaina o Aiaiga

1. Igoa puupuu ma le amataga
2. Faaaogaina
3. Tagi e faasaga i le Malo.

---

**1998, Nu. 14****O SE TULAFONO e teuteu ai le Tulafono o le Faatapulaa-  
ina o Taimi 1975.** *(19 Iuni 1998)*

**UA FAIA** e le Fono Aoao Faitulafono o Samoa i totonu o le Palemene ua potopoto e faapea:-

**1. Igoa puupuu ma le amataga-**(1) E mafai ona taua lenei Tulafono o le Tulafono o Teuteuga o le Tulafono o le Faatapulaaina o Taimi 1998, ma e tatau ona faitauina faatasi ma avea ai o se vaega o le Tulafono o le Faatapulaaina o Taimi 1975 (o le Tulafono autu).

(2) O lenei Tulafono e tatau ona amata faamamaluina i le aso ua tuuina i ai le maliega a le Ao o le Malo ma ina ia tusa ai ma le fuaiupu 2 e tatau ona i ai sona malosiaga e faaoga ai i taimi ua tuana'i.

**2. Faaaogaina-**(1) I le noatia ma le fai fuafua i le faafuaiupu (2), o lenei Tulafono e tatau ona faaaogaina i taulumaga uma, pe na amata a o le i oo i le aso e faamamaluina ai lenei Tulafono, pe leai foi.

(2) O lenei Tulafono e le tatau ona faaaogaina i taulumaga e tusa ai e faapea ua faia i ai e le Faamasinoga sa na faaiuga mausali.

(3) Mo le faamoemoe o le faafuaiupu (2), e leai se faaiuga mausali e tatau ona avea e faapea ua faia seia vagana ua faamutaina aia tatau e talosaga ai mo se toe iloiloga, pe e taofia mai ai i le faaaluina o le taimi e tusa ai ma le tulafono.

**3. Tagi e faasaga i le Malo** - O le fuaiupu 21 o le Tulafono autu ua teuteuina i le faaofiina i ai i totonu o le faafuaiupu (2A) e faapea:

“(2A) E leai se faatagaga e mafai ona tuuina atu e le Faamasinoga pe a fai ua amataina se tagi ma e leai se faasilasilaga o se tagi na tuuina atu e tusa ai ma le faafuaiupu (1)(a) a o le i amataina le tagi.”

---